



## **TOSHKENT DAVLAT YURIDIK UNIVERSITETI REKTORINING B U Y R U G ' I**

07.11.2022

343-um-son

### **2022/2023-o'quv yili birinchi yarmi davomida O'zbekiston Respublikasi Adliya vazirligining yuridik texnikumlari o'quvchilari uchun masofaviy o'quv mashg'ulotlarini tashkil etish to'g'risida**

O'zbekiston Respublikasi Prezidentining 2020-yil 29-apreldagi PF-5987-son "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi Farmoni va Vazirlar Mahkamasining 2021-yil 10-iyundagi 359-son "O'zbekiston Respublikasi Adliya vazirligi tizimidagi ta'lim muassasalarida kredit-modul tizimini joriy etish chora-tadbirlari to'g'risida"gi qarorida belgilangan vazifalar ijrosini ta'minlash, shuningdek Adliya vazirligi yuridik texnikumlari o'quv jarayoniga kredit-modul tizimini qo'llagan holda zamonaviy pedagogik texnologiyalar va o'qitishning ilg'or innovatsion uslublarini joriy qilishni yanada jadallashtirish maqsadida

### **BUYURAMAN:**

1. Toshkent davlat yuridik universiteti (keyingi o'rinlarda – TDYU) professor-o'qituvchilari tomonidan yuridik texnikumlar o'quvchilari uchun masofaviy o'quv mashg'ulotlarini tashkil etish rejasi ilovaga muvofiq tasdiqlansin.

2. Uzluksiz ta'lim boshqarmasi (D. Avezov) fakultet dekanlari va kafedra mudirlari bilan birgalikda:

TDYU professor-o'qituvchilari tomonidan yuridik texnikumlar o'quvchilariga ilovada ko'rsatib o'tilgan modullar bo'yicha o'quv mashg'ulotlarini masofaviy tarzda sifatli va o'z vaqtida, shuningdek, zamonaviy pedagogik texnologiyalar hamda o'qitishning ilg'or innovatsion uslublaridan foydalangan holda olib borilishini ta'minlasin;

ikki va undan ortiq marotaba masofaviy o'quv mashg'ulotlarini eng zamonaviy, kreativ hamda yuqori saviyada tashkil etgan professor-o'qituvchilarni rag'batlantirish bo'yicha rahbariyatga takliflar kiritsin.

3. Qoraqalpog'iston Respublikasi, viloyatlar va Toshkent shahar yuridik texnikumlar direktorlari:

yuridik texnikumlar o'quvchilari uchun tashkil etilayotgan masofaviy o'quv mashg'ulotlarini o'tkazishda auditoriyani barqaror aloqali Internet tarmog'i va axborot texnologiyalari bilan, shuningdek o'quvchilarni to'liq ishtirok etishini ta'minlash yuzasidan zarur choralarni ko'rsin;

masofaviy o'quv mashg'ulotlarini yakuni bo'yicha yuridik texnikumlar o'quvchilari o'rtasida so'rovnoma o'tkazish orqali mashg'ulotlar samaradorligi va natijadorligini oshirish yuzasidan aniq takliflar kiritsin.

4. Mazkur buyruq ijrosini nazorat qilish prorektor D. Umarov zimmasiga yuklansin.

**Rektor**



**A.TASHKULOV**

Toshkent shahar

## **Kiritildi:**

Boshqarma boshlig'i

D.AVEZOV



## **Kelishildi:**

O'quv ishlari bo'yicha prorektor -  
TDYuU qoshidagi akademik litsey  
direktori

I.RUSTAMBEKOV



Xalqaro hamkorlik va uzluksiz ta'lim  
bo'yicha prorektor

D.UMAROV



Moliya-iqtisod ishlar bo'yicha  
prorektor

A.IMINOV



yuriskonsult

D.ALIBOYEV

